

晚晴簃詩匯卷一百十八目錄

胡敬 十首

彭浚 一首

孫原湘 二十三首

孫爾準 十五首

朱為弼 五首

胡承琪 三首

聶銑敏 一首

李兆洛 二十一首

吳存楷 四首

時銘 二首

李黼平 八首

黃承吉 五首

周濟 十二首

熊士鵬 十二首

蔣湘垣 七首

晚晴移詩匯卷一百十八

徐世昌

胡敬字以莊號書農仁和人嘉慶乙丑進士改庶吉士

授編修歷官侍講學士有崇雅堂詩鈔

詩話乾隆丁未朱文正按試武林錄書農第一入學  
及文正主禮部試復以書農冠南宮入直上齋視學  
皖江遂乞假歸不復出其詩長篇排界短章纒密嘗  
為阮文達題兩浙輶軒錄云一品集繁存爵里四靈  
家小輯江湖為吳仲耘制軍題輯詩圖云傳因紀事  
探幽徧詩為存人割愛難年來從事選詩露鈔雪纂  
前書農詩句  
輒歎為知言

歲朝圖

銅槃蠟滴無聲膩向曉雙垂花綺麗火撥松明灰漸多彩  
旭瞳瞳射蘭砌清尊旨酒陳滿堂柏葉色翠椒花香萊衣  
次第起為壽賀歲車笑門前忙披看此圖境清絕兒女青

紅嫌點筆卻將數筆寫梅花屋角橫斜破香色花光鬢影  
朗照中但覺滿幅皆春風添豪更爾弄狡獪兩頰酒帶屠  
蘇紅人生但得左顧孺人右穉子跌宕生涯寄文史安問  
在朝還在市屈指團樂樂事多三百六旬從此始

方湛厓春隄試馬圖

垂楊匝地春如織紫燕黃鶯飛帖帖裙腰綠盡湖上隄一  
點星流草頭疾鬢痕鞭影花光中側耳四躡如有風舉頭  
西望忽大笑正值京華吹軟紅快意人生有如此翩翩貌  
出佳公子我願相從薄笨車千里之行共君始黟山迢遰  
漫思家如此明湖儘足誇勝他席帽黃埃客貪看長安一  
日花

雨過塘栖

人家臨水啟柴扉生計年年付釣磯野艇過橋波影亂長  
廊遮路屐聲稀雲陰不散禁寒定鴉陣難高帶溼飛徙倚  
風前意無限蓬窗閒對雨霏微

過東平州城

入城纔數里行盡又荒郊春淺樹陰薄路歧車轍交亂山  
迎馬首斜照入鞭梢一宿投村店風吹屋上茅

英煦齋師所藏天啟三年小鐵斧歌

披圖足徵明祚敗如鑑寫形著測卦霜刃休看寸鐵輕三  
百年基斲全壞九重多暇工雕鏤故劍肯向忠良求紛紛  
章奏棄不省可憐神似東昏侯吁嗟弄兵兵以至楊左諸  
臣空望治讖成委鬼與茄花劈正徒勞殿楹置想見經營  
費匠心藉娛長晝法宮深太阿倒授他人柄遂令神州歎



陸沈大東小東縱尋斧讜士吞聲狂豎舞走馬廷前督內  
操那惜金錢輸左府揮戈難返日舍三寇鋒徧野民何堪  
六州鑄鐵真成錯事到桓靈不忍談

暮春偕小米由雲棲抵理安回至南屏晚眺

薄霧不成雨霽景明朝暉行行準芳塍麥老豆莢肥傳聞  
竹深處有士開禪扉豈惟竹徑深水繞山亦圍竹深不見  
天零露午未晞此中得延佇日暮應忘歸何必定人門妙  
理悟者稀

歸途緣江行西折入幽邃四山何娟娟雨洗出新翠江如  
對豪客到此覲佳麗溪流導我行峯峯啟還閉層崖夾叢  
篠日色不到地虛亭翼然迎曉我行已至但聞雲外鐘不  
見山中寺

透迤石屋嶺罨藹南屏山森然列翠屏勢欲全湖環看山  
貴看色豈必窮登攀譬如絕代人望遠尤珊珊參差倚巖  
樹掩映峯孱顏濃翠暎欲飛盪漾如層瀾微風一披拂散  
入虛無間此景靜中會欲畫無荆關

洪武船符

洪武符驗上織船馬之狀起馬者用馬字  
號起雙馬者達字號起單馬者通字號起

船者水字號起站船者信字號此信字  
蓋站船符驗也今為湯雨生參戎所藏

慎軍國事傳明初慎撫封遞例給符制從內府領準額到  
驛展驗誰能誣織成中具船馬狀以馬起馬雙單殊惟船  
編字水與信大川齋涉皆通涂亦有澤國用龍節法三代  
意摹為圖詔文紀年璽加後四角燦爛花盤紆例非大僚  
概勿給鄭重想見高皇謨是年始命棣節制王氣已隱鍾  
燕都兵興渡江不用檝宣召可有金符無洪武制凡宣召  
親王皆齋金符

然其立法自詳審倡亂遠先防驛夫後來趨便易勘合此符棄竟同關繻祖宗良法翫不守中使四出周防疏無何瀕海置市舶倭寇擾遂連三吳樓船峩峩指呂宋鑛採萬里撓師徒爾時徵調徧天下符縱復造難供需乃知經國首除弊方幅凜此尺一書祇愁歲久弊還作盜取翻笑侯生迂摩挲黃麻三歎息有人智出符之餘

蕙窗見招病以詩謝

羶薌屏置已兼旬病不能同酒一巡郭北簞瓢新樂事城南韋杜舊游身跛還增媚吾邱衍傷竟成憂樂正春欲領晴堂師捧喝怕風愁雪又因循

彭浚字寶臣衡山人嘉慶乙丑一甲一名進士授修撰

歷官順天府府丞有賜硯堂詩集



太僕寺公廨卽事和笠耕韻

填街輪鐵散晨朝入署齋期覺路遙  
草想馬羣雲外牧太僕所司馬政在察哈爾游牧花知驚夢雨中消  
無多吏事勞關白儘有吟聲破寂寥  
愧我會無塵露報寅恭夙夜望同僚

孫原湘字子瀟晚號心青昭文人嘉慶乙丑進士改庶

吉士有天真閣集

詩話子瀟年十五隨父任出山海關登醫巫闕援筆賦詩句已驚人法時帆祭酒以比舒鐵雲王仲瞿為作三君詠論者謂子瀟詩沈鬱不及船山卻無其叫囂敬瞻不及隨園卻無其遊戲云洪雅存評其詩如玉樹浮花金莖滴露

澄海樓望海

振衣百尺樓天風何浪浪天光與海色一氣同青蒼  
是時日初升赤霞燒扶桑照見諸島嶼波上爭低昂  
浮雲從西



來萬馬奔洪濤氣卷五嶽走天地俱動搖人坐此樓中勢  
若隨波旋白日倒入海青春走上天念當乘風去元覽極  
八埏回頭願人世一點如秋煙

眞秀閣

雨後看雲盡出城最高樓閣有餘清一簾空水搖天碧半  
壁殘虹浴海明花與蝶飛時下上書無人揭自縱橫不知  
何事憑欄立落日蒼茫百感生

夜坐

蟲聲破夜寂小坐嫵涼天病久花同瘦愁多夢不圓孤懷  
憑月迴靜氣得秋先惟有深閨裏應知客未眠

秋夜簡吳頊儒

卓信

空房生秋煙明月來窺我西風閃孤檠人影右忽左落葉

捲我心飛向秋江隨秋江浮萍死秋水貴於金天吳走陰  
谷鮫客潛青林盡拘蒼生淚不成三日霖寒雲鎖孤蟾野  
黑南山泣白骨照幽泉秋墳鬼聲澀遙知蘆中人掩卷三  
歎息

冬日由昭明臺取徑登辛峰亭觀落日

出門見飛鳥歲晚吾獨閒白雲先我心搖曳蒼林間古臺  
木葉落蒼然見寒山高處望不極努力窮躋攀

我游此山顛興落山外山豈知秀絕處只在城市閒憑高  
覽全邑屋密樹盡刪孤雲飛出城不敢敵人煙吁嗟殷庶  
風此後幾百年

遠眺殊未已前山已落日偏於欲落時其勢猶似出殘霞  
明半天并作暮雲黑雲中珊瑚盤反弄黃金色人坐松林

中愈覺蒼翠逼浩歌歸去來此意無人識

燕子磯望江

石壁翻江勢動搖荻花蘆葉正蕭蕭青山有意暮三島三  
下臨大江白浪無情送六朝帆影不分京口樹鐘聲如答  
海門潮雄心慢擊中流楫且看魚龍出沒驕

曉過寒山

舟行先鳥起反喚鳥夢醒霜華納窗白水氣襲衣冷山頭  
數游魚倒浸插天影雲起失前林萍開見孤嶺渚鴻何磬  
磬對我若悲哽稻梁何足謀高飛碧天迴

曉發

霜天漠漠淡於波月色連天一片和幽樹瘦疑秋士立遠  
山平似曉煙拖夢殘猶苦雞聲喚愁重難勝馬力駝十載



征衫青未脫祇餘燕市酒痕多

五渠

一水圍邨市非船路不通春醪人乳白漁火婦顏紅雙塔  
浮波出青山到郭窮正愁行易盡偏是好東風

九日登北山作

木落原野清隴首浮雲飛高臺一以眺秋色蒼然來孤邨  
隱寒煙遠樹帶斜暉猿嘯眾山暝雁度空江遲物澹我自  
得情疎理無違美人在空谷瑟瑟秋蘿衣

夜宿小石洞

何處峯頭鐵笛聲飄然秋思與同情撥開落葉通泉細喝  
破浮雲放月明石氣欲吹詩骨冷天風如化羽衣輕舉頭  
不敢舒長嘯恐有林間宿鳥驚

雨霽

雨撥西風轉天容寸碧開出花孤蝶重抱樹一蟬哀爽氣  
遙山下愁心遠濬來畫檐雲縷縷秋葉是誰裁

九鐵僧寮與兼山秋語

豪絲哀竹近中年過眼春痕水上煙一簪黃金先鑄佛半  
牀青史小游仙引人入夢偏胡蝶勸客歸田有蜀鶻暢好  
尙湖秋萬頃幾時同上釣魚船

驅卻青蠅百事宜石幢松影下呆愚客磨詩裏花同瘦秋  
到人間佛不知萬葉盛衰先有信一蟬哀怨總無私紅塵  
白社雙青眼如此相看得幾時

春溪把釣曲

滿溪春水綠可憐桃花如雲紅上天遠山倒浸碧波底一

堆春煙釣不起人目在魚魚目絲人心動靜魚先知竹竿  
嫋嫋尾潑潑翠荇一渦滄海闊

書楊忠愍公張夫人疏

吉祥善事甯有此夫作忠臣婦代死事雖未成志則爾一  
疏煌煌播西市天河釣叟紫極翁沈香葉冠翊贊功燎原  
之火倒海水小兒斲卧東樓東文管家武管家黃金鬻爵  
不肯賒趙家兒鄢家兒白日鬼蜮行其私除我瘍殺南塘  
比翟方殺同鄉下有殺人子上事好殺皇椒山刺刺不曉  
事十罪牽連二王字一鸞已困況百鸞風吹枷鎖傾城觀  
竄張經尾取上旨明殺諫官自此始堯齋英明四海欽殺  
人反快姦人心幸遇鄒徐霹靂手射倒高山射培塿可憐  
一字不成時二十七姬星散走不見蘇綱息女代貴溪兩



家不媿忠臣妻

歸舟

鷗波搖蕩綠參差  
收起春帆去路遲  
過眼雲山千幅畫  
破眠風雨一船詩  
懸猜帘影橋邊柳  
背歛花香艣後枝  
如此浮家吾願足  
不歸猶可況歸時

月午樓歌

雅存前輩以月午名樓謂以勸學也并爲作歌予後十年來居此樓喜諸生之勤學知先生流風餘韻至今未泯也踵而有作以勸後來

明月出海先上樓  
我樓況在高山頭  
開窗放出白雲去  
風簾盡控雙銀鉤  
一丸纜過高松頂  
屏風亂瀉蚪龍影  
攤書不用青藜然  
碧空自有明珠懸  
黃高峯頭雲浪涌  
金鼇峯背滄波動  
山下萬頃雲海鋪  
天心一絲雲氣無  
清光愈高讀愈苦  
月照書叢月色古  
仙巢驚起老鶴舞  
窗中不知月

已午露珠瑟瑟風泠泠屋角斜挂三四星冰輪欲西還倒  
行似憐讀書聲好聽冷光一綫射人面射月光亦如電  
明月不落讀不厭水滴蟾蜍欲穿硯

題姜白石像

白石先生像錢唐白良玉寫衣摺熅染皆非近人所能手執羽扇神情灑然先

生自題詩所云鶴氅如煙羽扇風是也自先生遷茗上世居弁山之麓築有白石山堂貯像其中乾隆辛卯冬堂燬於火煨燼中獨留此像二十三世孫恭壽遷居城中改裝成冊寓書屬題先生至今七百年遺像猶能於鬱攸之中巋然獨存今靈爽之所憑而後嗣保護之力有足多焉

七百年事如秋煙劫灰中有不死仙六丁下攫終得全曹  
衣吳帶何翛然當時鄱陽俠少年雪花夜打烏篷船浪游  
南嶽不得旋手拔龍角彈湘絃彝陵幸遇蕭東夫東來徑  
參范石湖聲名一日滿天下四顧誰能薦司馬奮筆自議  
太常雅其奈黃鐘不敵瓦偶耽吳興山水奇白石洞天插

我籬纍纍白石不療饑腹中惟噍潘檉詩與酣自攜碧玉  
簫閒鷗引過松陵橋鷹揚之印空佩腰照水白髮風蕭蕭  
馬塍花開香沁土小紅偷灑燕脂雨鸞鸞無聲石人語一  
往孤雲竟千古沈檀雕匣吳綾裝明珠辟火深深藏風吹  
鶴警如煙動紙上古香發南宋

贈朱秋坪明經 景周 卽題其洗硯圖

南梁

舟山

劉

文清

無晉人後來更推蔡

甫生

與陳

玉方

鍾溪既老

德清病紛紛館閣推麒麟朱君少有臨池癖日閉蕭齋撫  
古迹殺盡山中紫兔毫灑殘絕域金壺墨五十頭顱鬢騷  
屑染翰朝朝腕欲折駱駝橋西片紙出人道風神似松雪  
吾鄉書法溯二馮 補簡翁樹復張庭仙汪東山邵開 誰雌雄絕  
倫雖無義獻迹古法未失鍾胡風自從俗書逞姿態子弟



家家學姚學派瓣香祇識奉華亭筆陣誰知求晉代君今  
僻居臨水邨羅列金石娛朝昏紅柿周圍白板屋綠天自  
裹鐵葉門香姜古硯浮寒碧浸入明漪漲雲色欲知君書  
得力處但看一池秋水黑

精忠柏

萬木畏枯枯則薪一株獨以枯見珍神斤鬼斧不敢近忠  
義之氣纏其身蛟蚪翠鬱風波亭一夜號泣枯精英奸邪  
氣橫正氣絕感憤物理同人情不見百口保飛宗正卿竄  
身南海以死爭上書訟冤劉允升橫尸棘寺鳴不平區區  
小校猶忠誠竟欲斬艾邪蒿萌柏雖草木氣至清肯與賊  
檜同時生死八百年挺不屈蛻盡龍皮贖龍骨中有丹心  
不肯枯只是春風吹不活天欲吹活柏固辭偷生半壁匪

我思除非痛飲黃龍時枯枝一一回青枝天亦不能彊活  
之任其一木乾坤支表忠但勅風雷司霹靂老檜分其尸  
吁嗟南渡朝廷小泥首北風如偃草只賞西湖花柳妍渾  
忘朔漠椿棠老構兮木不良大厦以檜爲棟梁長城  
如檀翻見戕不如此柏有本性直與精忠同正命但看枝  
枝北向枯木理猶知朝二聖從來死貴得其死不見死而  
不死樹如此

孫爾準字平叔號萊甫金匱人嘉慶乙丑進士改庶吉  
士授編修官至閩浙總督加太子少保銜贈太子太  
師諡文靖有泰雲堂詩集

詩話文靖幼侍其尊人宏度中丞徧歷黔桂諸邊既  
奉諱游嶺南值三十初度賦詞云但說文章能報國  
恐蒼蒼未盡生才意其抱負已自不凡迨入詞館一  
麾出守不數年卽領節鉞所至咨民疾苦勸農功興

水利其督八閩臺灣民變親統舟師戡定不至成朱  
一貴林爽文之亂慕陵眷倚方篤遽薨於位有夢  
幻追悼之論時爲感誦學問淹貫治官文書不假手  
於幕僚工詩尤長於詞成進士出英煦齋相國之門  
公子輩以遺集乞序於相國謂師定弟集  
古所未有益惓惓於生死之交不置云

奉命輯全唐文赴西苑萬善殿緝閱釋典

誰來天上遡銀流一葉凌虛太乙舟  
運海逕從香界渡蓬山不是世間秋  
旃檀縹緲行邊惹樓閣溟濛望裏浮  
每恨三神波浪隔乘槎真箇到瀛洲

石闌幾曲枕湖光獨立松陰一蓋涼  
長日但聞鐘磬響四圍全繞芰荷香  
不持戒偈心先淨更展楞嚴世已忘  
俛首風煙看下界紅塵擾擾限飛梁

鷺鷥飛到澹湖煙吹袂荷風意灑然  
退直原名小自在翻經更印大乘禪  
三車解脫真無礙初地登臨已勝仙  
留我



惜無缸面酒徒從文字證唐賢

臺陽雜詠

關門非雁塞關渡門在淡水東沙磧似龍堆甲壤田疇闕鉞盤市

舶來雲容晴後滿山騰雨中開晴霽則諸山煙靄蒼茫若山光透露即為風雨之徵

夢蜨明季李茂春園名無尋處名園付劫灰

蟒木船刻甲刻木為船名蟒甲龍香劑割涎焚輪風有火沸井水

無煙硿戶徵蠟饑山居訟螭田沿流頻喚渡九十九谿邊

風草欣無節風草春生無節則是歲無颶風霜筠怯走鞭竹皆叢生出玉

香花媚晚金綴菊迎年湖采螺紋石番通馬劍錢忽看方

物集新返荷蘭船

拱鼠會名麴蹲鴟藉作糧潮魚驚海熟魚隨潮大上火鹿

憫番荒鹿為獵火驚散名曰番荒槎擣蓬萊醬槎字始見于鄭樵通志俗名番蒜用糖窰之曰

蓬萊柳傾沆瀣漿椰子大如瓜剖之有清病來煩米卦俗

醬巫病輒延客子師攜液可碗許名曰椰酒三保有遺薑相傳明三保太監至

撮米占之日米卦臺所植薑可療百病佛髻波羅密仙膚優鉢曇菱抽芳蕙苦蕉剝露芽甘南鳳

三杯粟三杯粟產鳳山縣西螺五寸柑西螺產柏絕佳問誰能徧識名狀

漏嵇含

方法唐僧授唐大歷中鄒和凝冰瀝蔗漿輸租連葑屋擅

利走帆檣味壓嶸山雪光欺宋井霜緣知雩都縣何減木

奴鄉

漸習殊方俗何辭過海行吉凶占雀語華雀番名蠻在每

凶更鼓聽鳩鳴白鳩能知氣鐵樹珊瑚細金莖蛺蝶輕鐵

花如珊瑚金莖花俗名金郵亭欣遠眺雲腳畫新晴雲脚

家繪水石其下橫染一絲為界者是也雖濃雲靄隸有脚可見必不雨

到來時令異何處問神功  
稻熟三春早蟬鳴二月中  
夏占帆爨雨秋試紙鳶風  
歎息吾行遠眞看地軸窮

過泰山

早歲曾攜綠玉筇  
鷹輪掖上最高峯  
笠邊海日三更白  
鳥下齊煙九點濃  
得句秋壇賡老鶴  
投文夜壑起乖龍  
今來濟勝嗟無具  
夢繞天門第幾松

灘聲

泉聲使人閒灘聲使人忙  
去灘尙數里弭棹停孤航  
温汾復賁迅似抑旋更揚  
入夜響逾厲拍枕驚雷硠  
無乃地軸迴噲噓陷頽  
陽不然陰火然呀呷揚沸湯  
忽疑奮厥武勇士赴敵場  
前軍突後隊轟輻爭騰  
袞又疑古志士萬言溢其吭  
一吐失先後樽杳不可詳  
聽之不成寐挑鐙起徬徨



平生事萬端一時集中腸併入灘聲中奔騰逐流光百年  
竟何成頰尾憐河魴何如漱甘潔歸卧漪瀾堂

下灘

上灘如上天下灘如入淵逆流輟登阪順流箭脫弦船頭  
俯啄駭欲沒卻值檻泉鬪沸推船直出羣峯巔羣峯兩岸  
騰萬馬驟驕左右相後先不知輕舟隨渦旋轉不得住翻  
疑袖有秦皇鞭回波乘間忽一駛但覺眾山倒走紛聯翩  
風帆篙櫓棄不用惟恃船頭一人指搗持挺名長年人生  
失足在快意況乃四旁銳石相磨鑄垂堂之誠古所凜宗  
慤豪語非萬全螺女江頭幸出險喜見船人酌酒企腳皆  
高眠

吳興道中

二月茗谿水浸磯舟行終日漾清暉紅深杜牧尋春路綠  
上元真釣雨衣西塞山前魚正美東林寺裏鶴應歸何時  
卻許浮家住卧聽漁歌無是非

朱爲弼字石甫號茶堂平湖人嘉慶乙丑進士官至漕

### 運總督有蕉聲館集

詩話茶堂爲阮文達入室弟子積古齋鐘鼎款識多出其手審定而編次之論者謂如劉原父之於歐陽公詩亦似之曾賓谷嘗評云空所倚傍獨抒胸臆潘文恭則謂天倪流露詩如其人張溫利贈句云簞詰有筆與詩左詩本天真無不可經人能爲詩人詩注經齋中酒一鵝

### 古鏡篇

蟾蜍夜泣秦宮月野火金鳧出泉窟幽戶金精萬古明苔  
纏一束紅姬骨當年花倚青紗窗朱脣粉面矜無雙蒼龍  
入地白虎藏殘脂零落幽蘭香山中老狐作人語手提盤

螭口呼侶回頭穩橘生扶桑拋擲青銅蓋黃土鹿犬朝過  
影朦朧楊花漫天欺芙蓉二十八宿綠雲裏先生負局將  
安從

詠文後山

鼎

所藏漢趙婕妤好玉印

印徑漢慮僂尺一寸三分

班旁有朱班半黍繆篆四字曰婕妤好妾趙案漢書飛燕合德皆曾爲婕妤好此印難定爲誰所佩第其篆法古渾媚逸非後人所能作者知玉澤溫潤入手凝脂洵奇寶也又婕字作婕足校班書矣

後山雅似文三橋閣開清閨鄰紫桃紫桃軒中一方印入  
手換卻青瓊瑤當年姊妹聯春宴嬌殊赤鳳無人見何時  
手截素鵝肪鳥體綢繆似飛燕燕子飛來風自芳纖腰攜  
佩雜明璫細看小點黏紅粉曾寫新歌鈐綠章歌筵捉搦  
舞裙騁丑臆恰仿鴛鴦頸扶寸瑤華透骨香平分蛤采纏  
落冷我來雅翫劇傷情如看鮫綃玉體橫安得金釭與相



見昭陽舊侶話深更

雨花臺

振衣獨上雨花臺  
衰草斜陽野望開  
一塔琉璃平檻立  
四山蒼翠抱江來  
臨風懷古頻搔首  
此地何人數舉杯  
久凭闌干和樵唱  
巖城畫角喚將回

過烏衣巷故址

柳外涼風一夜生  
蕭條旅館劇傷情  
我家曾住江南岸  
怕聽烏衣舊巷名

夕照無言下水濱  
故家池館半荆榛  
眼前多少山邱感  
不獨傷心爲古人

胡承珙字景孟號墨莊涇縣人嘉慶乙丑進士改庶吉士授編修歷官福建臺灣道有求是堂詩集

朱蘭坡曰墨莊觀察少以詩賦鳴登第後精學攷訂  
著述斐然不沾沾言詩而詩愈進音節悉本唐賢使  
典鏤其膏液  
棄其渣滓

### 河間府

馬頭紛落葉疎樹曉蒼蒼海色明諸縣河流沒大荒孤煙  
升野直一雁度天長爲問當壚女新筍定可嘗

### 靈巖山謁畢秋帆尙書墓

庭院陰陰覆薜蘿尙書祠墓此巖阿長才只合從簪筆晚  
節猶教學枕戈畢竟聖明持法恕空閨門館受恩多平泉  
花木渾無恙幾輩西州掣淚過

### 大庾嶺

五嶠崔巍此最東天將奇險界蠻中炎洲氣色魚龍變陰  
壑牙鬚虎豹雄天末幾回瞻北斗林端猶未換西風鄉書

欲寄無黃耳誰識征人兩鬢蓬

聶銑敏字蓉峯衡山人嘉慶乙丑進士改庶吉士授兵

部主事復授編修歷官紹興知府有寄嶽雲齋詩鈔

詩話蓉峯改官戎部以仁廟五旬萬壽進詩册稱  
旨復入詞垣視學蜀中尋出典郡陟歷中外所至有  
聲

### 上西嶺

一徑穿嵐翠征程萬仞懸危橋橫絕壑亂石瀉飛泉山峙  
同螺縮人行作螳旋徘徊看雙柱搔手問青天

李兆洛字申耆陽湖人嘉慶乙丑進士官安徽鳳臺知

### 縣有養一齋集

詩話申耆爲學博而知要經史考據詞章天算地輿  
彌不淹通論者謂並世推開化戴簡格公友生中惟  
吳沈欽韓文起差足相上下餘無能擬似者平生所  
爲詩文多不自收拾歿後門弟子蒐輯遺藁刊行古



體詩妥貼排界炳蔚鏗鏘近體氣骨  
稍弱然和平溫雅不失風人之旨

宋謝疊山先生遺琴武林吳氏得之繪圖傳示爲之

### 作歌

東山桐西山梓

琴背鐫銘  
有此詞

上枝蟠青雲下枝拂流水雷轟

電擊野火燒裂骨穿膚半生死誰從大壑陰採製爲鳴琴  
孤絲寡珥絃斷脊中有清霜烈日之明心天荒地老陵谷  
變此骨不與金石同銷沈可憐文信國聞道遺琴欲淪沒  
亦有汪水雲當時揮手浚青雲如何尙有一片乾淨土埋  
此三尺四寸枯桐根粗具齟與齟安辨蛇蚶紋漆文土花  
所不蝕疊山兩字分明存先生身似摩霄鶴燕市從容一  
甌粥掀髯抵几已無成茶坂麻衣空慟哭當其橫膝時含  
情再三彈初爲梁父吟後作齊女歎世無鍾期莫爲賞海

天何處尋成連先生此時與誰語琴兮琴兮吾與汝先生  
可逝琴不亡十三之徽一一吐焰直與箕尾爭光芒此琴  
非桐亦非梓銘非銘兮字非字黏著萇宏血一腔萬億劫  
灰飛不起吳氏爲此圖望古意有餘我思此琴不可見展  
圖忽忽生嗟吁誰招朱鳥揮殘淚敲碎西臺竹如意

鄧完白登岱圖

日觀峯顛置完白人奇境奇兩難得畫之又得羅兩峯叱  
石驅雲致不同斯游奚止四十年我今展圖猶眼前先生  
精彩固不散奮袂盱衡見其概今我老憊復坎坷行吟一  
室繭縛窩夜來有夢尙魄磊倚杖黃山看雲海嗚呼完翁  
那可再泰山鬼卒今安在獨立遠想成蒼茫情惻語悄何  
能長會當尋君還大荒收攬魂魄從雲將

書見素居壁

夙齡忝文學圖史頗貫弗因緣平仲知遂辱揚雄薦讐書  
入虎觀作賦奏金殿一朝拜恩命綰綬出山縣童律幸可  
通磔獄苦非練聲聲聽榜捶屑屑領簿案徒隸陪侍從侏  
獲側歡宴腰低骨已折口慙心屢戰塵顏怯持鏡自揣久  
淄變經營數間屋聊用置几硯破書百餘卷中有古英彥  
相從理素業冀見本來面懷居諒爲愧成性習其便土思  
日悄悄寓也何所戀

疏窗敞南北偃息靜以邃南榮足淹曝北壁有餘地鑿池  
但隨坳爲山卽覆簣高樹有遠容丈石出奇致聳聳竹與  
柏左右擁雙翠室中復何有空洞類我意斲椽粗稜稜粉  
壁光緻緻木無髹漆觀牆無綈錦被旣乏珠玉玩亦鮮彤



月山集卷之二十一  
二二  
鏤器用樸保真率寡欲息人事茲區實彫瘵魚飢時告匱  
疲民固不敢傷財況爲累美室孟獻尤葺牆叔孫志夫子  
善苟完斯亦素吾位

茲邦濱大淮風氣蠢以勁居恆肆攻剽稍急輒星迸行坐  
挾刀劍忘軀狗忿競黠者持短長狷吠思梗令書策旣稠  
濁徒史得放橫爲政濟猛寬計惟張絃更韓子亦有言厥  
道在素正齋居勵冰淵兢兢守畏敬開門固其根內省期  
不病孰謂莫予覲豈弟神所聽以此盟爾室顯顯慎嘉命  
丁丑年住懷遠真儒書院構如是住成賦此記之

我家我耳山邊宅迤邐平原帶阡陌清池周匝玉一環綠  
篠蔥蘢竿數百鋤田灌圃有餘暇插柳栽花遂成癖可笑  
無端插腰板十年宦海心兢兢邈時且喜解天殲無那餘

辛尙如螯三徑歸來幸未荒數月淹留翻似客苦爲豬肝  
尋故人竟忝臯比據講席倦來隱几聽咿唔興到論文逞  
胸膈院鄰官廨錯市廛廊廡周圍寬且碩所居山縣不見  
山窺牖兀然惟四壁一一櫺扉向東啟早眠坐受朝陽炙  
繞屋循牆出其後草石縱橫地頗隙幾樹安榴撐路斷一  
勺坳堂穢流積兩峯參差露眉宇向我不語情脈脈眼前  
有景人莫知大美棄置天所惜溶池種樹先安排披草拓  
基細規畫連廊作棟架兩楹楹深二尋廣十尺兩面安窗  
狀如榭編竹爲椽葦爲竿塗墍裝治閱幾旬匠沸工騰累  
昕夕一朝屋就急倚檻愜意真如舊逋獲雙鬟窈窕來迎  
待俯媚清漣共鮮碧貼貼新荷鏡子圓垂垂短柳腰肢窄  
隔院分來嘉樹陰賭碁贏得奇僵石亟移棊几安筆硯自

拂塵牀理書籍友生問字載酒來舊侶閒招試茶格相視  
翻然成一笑先生無乃爲形役容身而游亦已矣居必求  
安聖斯斥人說此廬舊姓楊無鑿先生夙詞伯亭顏片月  
樓會景一時結構人嘖嘖敗址頽垣了無處數十年來事  
如弈況是棲棲一寓公底事黃金虛牝擲人生分定良由  
天各養其養適其適由來林壑性所耽易性違情祇成尼  
但有卽時一杯酒遑問平生幾兩屐後來者誰吾不知大  
塊茫茫幾今昔夜來頻覺鄉夢輕曉起仍愁詩債迫山光  
旦暮看不定多少浮雲變蒼白

德明府以題孫虔禮書景福殿賦真蹟詩見示次原

韻

藝極猶懸權識質或幹鼎要能天際翔庶不鼠穴騁章草



冢之出阡陌破邱井崔張趨簡易有若竿取景當塗典午  
間絲密轉清迴石軍守恬暢如水以淡永大令劇飛騰翼  
翼駕項領雙源遂分導百旒揭一隼文皇負真氣縱送劑  
寬緊兀鼻屏風書想見龍德靜咄哉挺虔禮驂駢一何猛  
書譜入大王區埒辨町町瘤墮卻針腦蚤正必眠綆茲賦  
追阿敬推陳更標穎一掃旭兼素重覩芝與靖離垢參書  
禪妙香可默省鐫之璆琳珍長使奎壁耿苟非洞見垣所  
恐礫糝礦肘腕論回旋走也謝不敏願焉矢盍各率爾子  
毋晒

自題捧盈圖

勞勞牽世鞿惘惘任年矢逝者夫如何嗒焉信所止補牢  
計恐遲鞭後乃其理知疲及昏卧得醒向晨起興至思或

抽小極急自弭展書銷光陰但取淺且旨既無甚解求亦  
不竭目視量腹之容受日可一合米撫肌恨如腊得酒暫  
自喜撐拳學五禽負劍弄稚子有杖不肯扶跬步跛而履  
頽下看似雪齷上都無齒精氣潛耗盡神爽詭支抵梁麗  
劇剝朽此舍安可恃一旦厲風來摧之適然耳此幸惟有  
心能成卽不毀百里半九十前途日以邈羸老尙存全造  
物不負爾所得固已盈捧持豈敢弛常思善厥終罔令爽  
其始索居過以叢良友隔千里願言各努力同岑互爲砥

羅飯牛募驢圖

得馬塞翁顧亡兔飯牛居士今募驢寒驢區區幾許值一  
瓢乃用千夫輿前邪後許十數輩數錢量米爭紛拏大仙  
老驢眞可笑一毛不拔旁挪揄我呼紅綫翦囊紙倒騎跛

足雲中趨銷除博士賣驢券回作淵明乞食圖

偶作

神者生於無以氣相撐支當其互回薄至聲發空虛風出  
土囊口披林入嶽欹喁于遞響答高下相參差悠然自鳴  
戛亦復不自知委已適所值無爲問妍媸繪響效厥情因  
神而存之斷竹均以竅斲木絙以絲長短刻分杪清濁研  
澠滯揉弄日漸熟造作日益滋情性有遠近憎愛隨紛歧  
借氣喉吭間尋聲神已非箏琶雜前陳自謂古所無豈知  
爰居鳥頗乏鐘鼓思壺公一瓠中日月與世殊時時出游  
戲每令見者嗤

家心咳復來疲於津梁圖

天涯渺難卽吾意其蹉跎江上無芙蓉舉袂意云何吾子







屏眩轉吹琉璃鋪排景物觀殊壯變易華風事豈宜好語  
吾民守耕鑿祇今聖主賤珍奇

列礮周垣控扼存香臺今傍將臺尊護持獅象珠常定帖  
息鯨鯢浪不噴揭纛雙桓遙隱樹收帆千舶正當門風濤  
咫尺連南澳著論何人繼應元

補甕圖

田功未收酒無粕老甕多時擲籬腳場登新秣黃雞肥收  
拾將來貯桑落

薛又洲攜杖山行圖

黃海安期宅青山太白祠何如九龍隴小酌二泉池澗畔  
多瑤草松根足伏芝無因小兒女卻負向平期

夏循陔廣文

翼朝

玻璃泉洗硯圖



只此一勺水聊療季女飢懷中紫玉段持照青玻璃仰臉  
積鐵壁俯蔭離披枝勿放墨龍出驚起巫支祈

吳存楷字端父號縵雲錢塘人嘉慶乙丑進士官當塗  
知縣有硯壽堂詩鈔

李申者日縵雲深於詩其神寂其氣包其  
政事優柔中平所爲不近名而廉隅嶄如

從觀察使者循行夷寨編列戶版卽事成詩

在昔西南夷萬里阻絕徼犂牛山穹窿金沙江繚繞氏羌  
區以類邛僇實其隩散或蠻觸攻聚則魑魅嘯唐蒙續武  
備馬卿諭文誥首屈仍羈縻尾大復攻剽斧畫圖苟完甌  
缺終見誚我朝受命初蕃服爭自効板楯聯新封鉤町除  
舊號笮馬歸阜樾蒟醬供瓦鈔乃獻賧獻琛亦舞羽舞翻  
形方瘠土曠鶩利客民召燕忘巢幕危蟻切慕羶好襁負

攜妻孥擔簦羅日竈占地關吟哇鑿坏啟堂奧重譯語漸  
通互市劑可約阡陌多華離汙萊半侵盜強怒有力爭眾  
闕無理鬧短箭青竹弓長刀赤皮鞘列陣驅千人具獄喧  
兩造息壤背盟誓邊釁懼開導是宜井疆畫毋使客籍冒  
撫夷責楨臣編版息羣課紛紛亥市集一一丁男報賣價  
規竒零租稅酌豐耗算匪元封增民異太原料毳幕開前  
庭椎髻迎左纛威之蒲鞭縣來者乘韋犒義警邊氓愚令  
戢土官暴夏哇敢憚勞春雨咸沐膏軫材艱覓食儉府容  
寄傲志慙定遠壯年遜終軍少袴褶裁氈裘行滕縛錦襦  
猛鼓渡瀘楫催發踰嶺轎晨起霜鋒銛宵征月魄耀砭肌  
入風洞沒脛穿雪窖但看排穹廬聊與息旌旄寸田履畝  
分尺籍翦鐙校直僣窮要荒詎止快游眺爨女及獠奴桶

裙而花帽銅鑲試寬窄毛褐歷寒襖生熟支久殊番夷有

種熟番在黑白種惟肖夷人之貴者曰黑骨頭賤者曰白骨頭猿扳礪房登

牛飲蘆酒酌鐵襦有文夷人以毛織布有方糴糶米襍

糙糴糶米人所食踣足踏山走裂齒向人笑但聞鉤鞞聲

不鑿混沌竅兼旬伴我慣數語為爾告聖王今御宇遐陬

盡服教德裕鎮西蜀韋臬奠南詔馴皆似犬羊劣弗為虎

豹矧伊族凋劫徒恃峯峻附燭火如炫明死灰將復溺心

宜凜畏懷力可任徵調網獲罷秋獮刀耕急冬燒歌樹梨

一曲備柳營七校耳目留睢盱孫子安啄菹揮帚列砦閒

鏃字繁木標番人調兵以帶庶幾安土著長得戴天燾瘡

俗期上臻浮蹤儻重到作詩宣皇風健筆特排冪

阿都行阿都隸西昌縣土官安氏世守其地安定邦死子幼未能承襲以其妻都位加權攝位加



年甫二十餘有節操履所以夷女十六人環衛之  
夷俗男女素無別而位加能貞潔自守如此蓋聖  
化覃敷雖蠻方亦知革面矣余從觀  
察巡徼至其地因作詩以待采風

驃衛以北徙徭西乃有阿都長官司旄牛山下列砦住河  
東一姓分守之厥酋天折子幼穉請以世職歸其妻羅猓  
十萬隸尺籍土舍土目咸所治歲時亦行獮狩禮桶裙外  
夾黃金鉞三年拜表達重譯厥貢文馬筐織皮巡方使者  
銜帝命叱馭來撫西南夷邛都君長夜郎大驚服猶復煩  
鞭笞阿都一部獨效順嗅鞞以鼻容委蛇紛紛連袂迓旌  
節女官鞠脰如男兒繡金之裳錦罽衣豐貂一尺圍蝻蟻  
瞳神秋水不敢溜馬首肅拜恆垂頤刲羊縛豕趨行炙雜  
以斑鹿兼文狸歡聲殷地齊拍手鉤鞞格磔相諏諮我聞  
夷俗久儻昧豕交麀聚人所嗤女官問年未三十何獨潔

守甘爲瘠面首不聞左右設秦家老婦羞蛾眉歌成阿禡  
時一唱峒花狔鳥皆酸淒砌房持踵藉蠻女長宵宿衛無  
暫離禿髮裹夢入冰檠玉貌凜若含霜姿雄酋或萌覬覦  
想刀光出水同兒嬉用能葆真逾十載吠虺不敢窺藩籬  
聖朝聲教訖四海日以仁義漸黔黎何圖夷獠亦向化志  
節遠與共姜媿契木儻許樹綽楔願爲使者陳風詩

書高青邱詩集後

空有文章結主知偏從蕭散得艱危年華頓作干將折詩  
句爭傳駿骨奇一代清才收史局千秋遺恨付宮詞白衣  
曾見還山客回首葑溪悔亦遲

潼關

秦關扼塞勢岩巖四扇門通萬里遙潼水入河趨北折虢

州分陝望中條山皆壁立礪樓險地有人耕戰骨銷兵甲  
只今長不用勒銘吾欲笑孫樵

時銘字子佩號香雪嘉定人嘉慶乙丑進士官齊東知  
縣有掃落葉齋詩橐

題明妃出塞卷子

塞草茫茫塞雲紫沙啄蛾眉寒瘕指妾身辛苦事和親萬  
里關山從此始日落穹廬望漢宮未央宮月半朦朧宮中  
自識君王面便隔君門一萬重小弦聲吟大弦急弦急弦  
吟如帛裂琵琶拋卻不成彈匹似妾身長斷絕和親辛苦  
惟妾身漢家十載無邊塵回頭翻覺君恩重勝作長門賦  
裏人

下第後作



七度金門策蹇驢杏園消息竟何如甘從東郭追高隱不  
信南華是僻書失意事多心轉淡逢時技拙計全疎曲江  
此日潛行處怕遇春來下澤車

李黼平字貞甫號繡子嘉應人嘉慶乙丑進士改庶吉

士官昭文知縣有著花菴吳門南歸諸集

詩話繡子自翰林改官宰昭文緣事繫獄數年始雪  
有卽事二律詞旨淒怨蓋正其時所作也生平論詩  
謂心聲所發含密嚼羽與象簫骨鼓相應  
故所爲詩諧暢穩秀有一唱三歎之致

春日有懷元甫

山中昨夜雨芳草滋淺碧園芳新綠稠庭華故紅積良辰  
寡儔侶忽念越鄉客幕燕營此身達鴻矯其翮遙憐一樽  
酒訪古誰與適榆露暖遠村桑煙澹長陌蘇碑辨訛字韓  
碣尋遺迹儻下湘子橋予心寄潮汐

故燕城

雲物蕭條天宇清  
杖藜來訪故燕城  
良鄉極目眞寥廓  
上谷當年屢戰爭  
馬骨且求招樂毅  
烏頭難化遣荆卿  
下都池館修連日  
說與游人恨未平

灤口待渡同石亭

東來風景與心違  
到處驚蓬卷地飛  
灤口夕陽紅照水  
華山秋色翠生衣  
故人彈鋏歌同和  
此際停驂計恐非  
明借名泉洗塵土  
眞珠十斛濺霏微

夜渡洞庭

城陵山前霜月高  
江湖欲上雞初號  
舟人夜語起捩柁  
但覺枕底生風濤  
黏天洞庭乘水入  
余亦起從帆下立  
三江杳杳宿鶩迷  
五渚蒼蒼老蛟泣  
巴邱郎閣波浪間  
到眼突

兀橫編山蘆中漁火尙未滅空際梵音殊自閒繞湖周遭  
幾百里溼煙一堆層疊起倒影俛臨明鏡看卻是君山青  
插水二山宛在湖中央南北茗亭勢可望不知蓬瀛定誰  
到對此輒欲褰余裳斯須斗轉星亦沈羣真出入地道深  
龍女遙歸碧海岸湘君正依斑竹林湖山虛蕭裴裒久小  
別京華亦回首洛陽少年濟時才上書那遣長沙來

漕運行

書生一食恆三日忍飢誦經門不出仙家撒米狡獪多飯  
甌空看夢中溢一麾作宰居海濱職有漕事當躬親手收  
八萬七千石但丐糠覈能肥人連廩四開臨水曲負戴遙  
來趁初旭南箕扇簸北斗量原是天公具餐玉豈惟獻納  
人爭先烏雀未敢窺簷前倉儲近煩白虎衛水餽遠叱黃



龍牽頗聞荷花塘欲涸碧波粼粼石鑿鑿屯丁辛苦里正  
嗟津貼錢刀苦來索汝輩何知爲杞憂連雲畚插通邗溝  
高低正依均海法升斗不貸監河侯舳艫萬里趨芳甸黍  
谷桃渠眼中見滹沱可洞涑可陂只在司農斤墾衍拓地  
平移委粟山治田盡表宜禾縣豐歲香秔滿近畿雲帆永  
罷東吳轉

閩門送客

水西樓閣玉參差楊柳花飛客去時錦字緘書千種恨蘭  
溪歸櫂十年遲香頭夜雨人初到婪尾春杯酒莫辭吳下  
行蹤如向說紅閨應蹙遠山眉

九月八日同年陳範川太史

鴻埤

招同梁一峯廣文

元游光孝淨慧二禪寺呈範川

鬢絲禪榻記吾曾廿載塵勞苦莫勝今日重尋留鉢地前身初悟寫經僧菩提樹長金園淨訶子林中紺宇徵祖意但求真面目未妨文字乞谿藤時寺僧競求範川書寶莊嚴寺晚來過奈此傾欹窳堵何卧閣佛誰燒舍利上堂僧似病維摩黃龍會散犀香滿白馬經殘貝葉多賴有驪珠君袞落山門留鎮配東坡

黃承吉字謙牧號春谷江都人嘉慶乙丑進士官興安知縣有夢陔堂詩集

詩話謙牧潛心漢學通歷算能辨中西異聞尤工詩古文詩筆力雄富不專一派

### 江村

商秋木葉早辭柯寂寞江村夜獨過蟹斫月明微有露漁舟風動不關波蕭蕭鴻鴈來何遠落落星辰望轉多自喜

詩篇頻野獲閒情天付與吟哦

江干閒步

巖耕睽宿好復此孤帆征停棹傍洲泚緣幽時一行初疑  
草樹隔漸覺蹊阡迎孤煙遠村出曖曖村光明荷香夕池  
斂秔熟秋塍平江山有餘色雞犬無煩聲窮厯信忘疲卽  
境感所營田父訝客來曳杖返柴荆孫登故緘默悠悠謝  
浮名

疊游乳巖三洞愛其奇絕題於石壁

蓬萊員嶠虛無間世間何處無仙山驂鸞到此偶歇息但  
見無數白石清泉灣清泉隨風來蕩漾空中瀾聳身直上  
樹巔頂千人濯足冷而寒仙人陶通明鑿嶮排雲關三層  
樓戶恂出沒一層一陟元都壇鍾乳何纍纍千載結不乾



玲瓏幢蓋太古設化工巧作波羅檀丹邱有何碧玉宇凡  
夫想像無由攀煙深水迷日食乳時有錦鱗仙鼠相往還  
是誰寫出上清字得無真有瓊華丹我來狂飲已三度往  
往雲腴玉液充杯盤臨行拄杖側耳聽淙琤如有絲竹彈  
不知窳窳直入幾百里此語欲答山僧難山風一掃去塵  
跡應讓真人玉佩來珊珊

屆積布山將泊復進

掣橈綿羣峯纍纍莫名似不知何神靈錯物置平地一壁  
出瞰江遙臨儼車蓋過此峯更多膠連疊形器滯留已經  
旬始見帆順利擊汰迎澆流飀騰去如驥行行轉山曲颺  
折舟橫濟坐立忽下趨敬斜恐顛墜久客知風濤忠信豈  
不事醜毒懷宴安篙師漫輕試夜色含朦朧岩堊互虧蔽

但見胥騎來詎暇展衡視初聞斬陽櫟再聽蘭溪吹一發  
兼數程欣然已忘悸

巴陵怪風行

吾聞帝子之出恆飄風今來正值風交通踉蹌天吳夜不  
息銀蚪雪貌搏虛空虛空震撼無聲入撇擘撞脊萬舟急  
撞欲崩摧撇欲流擘如相倚舂相襲舟人黑暗競淩波腰  
繫檣繩仗檣立引長拋重百難施綆似雲連鐵山集我船  
二盪不可支欲離所傍愁無依風威況是離不得斡旋實  
賴能工師洞庭春雨連天漲激切飛廉怒相向水勢今宵  
盡卻回湘源卻恐生波浪少婦無端覲此驚牽裾坐對可  
憐生瞪然僕婢更何事如此風波甯可行嗚呼人生豈不  
懷鄉里薄宦偏羈二三子一夜心旌百丈懸夢回錯認蛟

宮裏

周濟字保緒又字介存號未齋晚號止安荆溪人嘉慶

乙丑進士官淮安教授有介存齋詩

詩話乾隆以來士人好言經濟陳和叔吳耶溪包慎伯夔定庵魏默深諸子為尤著保緒尚任俠求通當世之務旁及技擊騎射諸術與慎伯同游其議論與相出入文逼近大雲山房詩乃似小倦游閣詞亦於同州臬文申耆諸家之外別闢蹊徑

送別黃清溪

淮南木落天雨霜先生別我歸江鄉江鄉今年足稻秫歸酌春酒酣高堂昨君未來我苦寂日日馬蹋河沙黃盤鵬眼疾細草死風埃一道昏殘陽書生胡為衣短後獨吟無和聲難揚初聞君來色然喜令子昔曾交短李李子論交最有名家學因茲測涯涘握手便作雲龍譚乃識君書著



皮裏君言枕葑四十年落紙果化爲雲煙君言靜參恆累  
宿吐舌果解生青蓮君言楚璞獻已倦十上不選張郎錢  
君言作官非所樂游戲聊復來人間下士聞之各大笑謂  
我白癡君亦然是時亢陽驕不雨日秩陪祀清泠淵蒼生  
膏澤別有寄我等冗散空相煎秋風吹我過江去接離倒  
著看青山五旬小別意悽愴夜夢往往逢君顏重來見君  
話契闊我病君歸各飛越君愛堆盤玉斧肥我思壓酒銀  
針活君今先歸我亦去冷落淮山賸寒樹他日相逢我荷  
瓢君能戴笠眞吾侶

卻寄家木君

青

高雲溪

森槐

君甘離索今猶昔我任飄零西復東未死名心長短句已  
通世法馬牛風宅邊柳樹容高隱江上潮痕識短篷送盡

歸鴻成一笑五弦原不在琴中

我爲善戰干夫長君是能耕萬戶侯海上風雲通土氣庭  
中貍特豈身謀時平漫蓄三年艾仙好權營百尺樓落拓  
琴書潦草醉莫將心事問吳鉤

大蜀山道中

更無落葉點征衣莽莽平岡亂四圍地氣遠松浮水出天  
風高雁掠人飛窮邊雪早兵權戢腹郡晴佳麥漸肥聞道  
邨氓多佩犢大車賦罷一歔歔

納涼與陳生

楷

偶述

病婦羸卧牀屑屑問米鹽老夫眼昏眵業業繙書籤易觀  
意豈悟獨到情各厭一室尙爲爾何況飛與潛

井甃射做甕鷓風便北林自天界鱗羽各各窮高深萬變

偶一合曠代猶昨今如何沈冥士當世晞知音淵淵漁陽  
鼓泚泚嵇生琴大福方默移微名安所任

劔綖絲已勞繡盪不出室客來偶摩挲失口相歎惜長跪  
謝客言此劔本頑鐵豐城雖深薶寶氣必騰達安有真龍  
泉二紀仍挂壁

蘇門在人間其庶尋孫登鸞音不可卽雲想空峻嶒峩峩  
齒高屐裏裊裊扶脩藤芊芊竹環宅掩掩華盈腔西山多華  
農厥產吾其恆

尊彝古生盞文勝質已鐫薶璧珣滿身五德豈復全嗜古  
匪適用所寶在炳穿遂令噉名者老死故紙閒束髮悟其  
非垂老豈惑焉精神儻別寄稍久輒欲遷賴茲雋永味庶  
以消長年



洗硯去宿墨新墨發奇光埽地去落葉新葉生幽香奈何  
錄陳言寶之若球琅團團磨驢蹟步步襲故常周旋方丈  
間送此歲月長鸞鳩猶決起矧彼羣與翔

放歌贈雁巢上人

樂亦遣此生哀亦遣此生落筆千萬言略與數錢量米同  
硜硜二豎牧羊羊已去遺火空燒始皇墓九原龍蛻總成  
灰可惜驪山松柏樹世人見景不見日何況虛空本無色  
欲乘元氣亦易爾復愁無處施鞭策江河滔滔孰云東下  
歸墟沃焦崑崙所藉高天偪人人著地白榆欲落苦不易  
天荒地老頃刻事十二萬年誰疏記我憐盤古無奈何一  
椎一鑿真兒戲

悠悠白雲觸石起石重雲輕只如此河伯無言海若愁蒼

茫一片皆秋水浮萍兩葉何青青春風一夜吹忽生羅浮  
離合爲風雨華首臺高聽山語若非鐵鎖相鉤連便欲飄  
然趁潮去去亦不可知來亦不可知海中巨鼇定有數孰  
舍所戴而戴之中庭百草各含露榮枯相雜不相顧老夫  
兀坐胡蝶來蛛網檐頭要黏汝

熊士鵬字兩溟竟陵人嘉慶乙丑進士官武昌教授有  
鵠山小隱集

詩話兩溟通籍用知縣不就改教授官武昌以詩  
自娛時論高之詩亦清矯不羣超然塵垢之表

江上

曾到辛家買數甌醉來高枕聽江流鳥嘯去歲人邊樹花  
落今年客裏樓才小幸無鸚鵡賦官貧那有鷓鴣裘五湖  
此日多風雨何必重尋范蠡舟

游月湖登梅子山同陳愚谷虞部

月湖湖上柳毵毵羅列諸峯漢水南來伴白鷗惟一艇去  
聽黃鳥有雙柑干尋竹勢篔簹谷百步漁梁鈿鈿潭梅子  
山頭高坐好摩挲石字細如蠶

與黃鶴樓陶道人共話

嶓冢岷山兩不分登樓極目水沄沄仙人許我借黃鶴何  
日從君飛白雲終古梅花無數落到今玉笛幾回聞沃焦  
一髮橫滄海飽看東流正夕曛

荒署

荒署蕭然動遠思曾栽桂樹兩三枝鈎簾雁過借吟處把  
酒人當獨坐時樓上秋河橫似帶樹頭初月廣於眉朝雲  
一去無消息猶見銀釭罩被池



坐春草亭懷譚韋菴

去年亭畔草又綠春草亭朔雪老雙鬢春風吹不青富川  
故人屋樊口木蘭舫空有王孫怨魚書付杳冥

送張心翁赴任南海

此去海南惟一航珠江蜃舍越臺荒楓人初長雨微黑颶  
母欲生天漸黃行到羊城皆薜荔夢依嶺樹半桃榔久知  
張子清貧慣寶玉無煩出此鄉

秋夜玩月

明月生奇懷披衣步江步悠然踏莎行草露溼芒屨漁歌  
煙外煙鴻影渡旁渡對此夜何長不知秋已暮居人坐江  
樓離人倚江樹苦樂不同心詎可背月去

泗水舟中

長河渺渺水雲愁遠道離情載葉舟  
夾岸短長千萬柳隨波下上兩三鷗  
關山北望客如夢風雨西來天欲秋  
不獨依人王粲苦思歸我亦賦登樓

自琴斷口泛舟月湖用謝靈運石壁精舍還湖中韻  
山水割昏曉水暗山含暉雲沈澗底響  
鳥向峯半歸游子看不足蒼蒼窮翠微  
榜人候沙湫湖水生夕霏天遠青草接  
波寬白煙依蒲稗收小艇蓬蒿款幽扉  
意愜景自適心高願多違得授安期術  
妙善冀能推

再登飛劍亭雜感同白畦虛谷竹樵小蘭光載

劍亭孤立石峻嶒秋氣蒼涼復此登  
風雨無情身是客江山如舊夢爲僧  
城頭細草惟眠馬樹外慈鴉早避鷹  
見說孫曹爭戰處至今煙霧尙飛騰

同星海月壁五溪登陽春臺玩月

臺上秋月來煙草見人迹風吹水痕寬木落山容瘠跌坐  
翠微間星斗紛可摘微聞僧磬鳴清越石城白

渡華嚴湖

湖上扁舟相送迎青錢顧直此身輕水飛獨鳥夕陽影秋  
借一村黃葉聲搖落何須悲宋玉窮愁底事笑虞卿釣人  
泊艇蘆花外魚尾菴菴酒亦清

蔣湘垣字師大湘鄉人嘉慶乙丑進士

孤柞歎

龍鱗犀甲雲垂地百尺攬天入天際斬以斤斧引以繩谷  
倒巖摧倏憔悴森然古色據當路故老不知幾年歲孤根  
裂下劫灰餘鐵幹排空走元氣屈曲慚非樑棟材支離委



絕亦可哀土人言此無所用殺伐不異草與萊吾聞物以  
不材老惜其自養到合抱乍可蕭條凌雪霜忍看埋沒隨  
百草翻思物理豈有極漢宮五柞亦蕭瑟垂楊裊裊不自  
持太息風前爾何物

感舊

棕鞵桐帽野情宜略似嵩陽貨畚時白眼看人投社少青  
山容我放杯遲衣冠耆舊非當日文字因緣感夙知太息  
長源爲煨芋求仙終後十年期

鸚鵡洲

目中不見岑牟衣耳中不聞漁陽鼓淋漓大筆照人間寂  
寞荒洲一杯土吁嗟禰生氣如虎不死阿瞞死黃祖景升  
殊自愧英雄何況干鈞爲麤鼠避世當爲龐德公戮死甘

爲孔文舉千秋孤鳳擲鴻毛落日憑欄淚如雨

過李文正公墓

畏吾村邊古時路  
桔槔亭畔婆娑樹  
落日荒榛不見人  
誰道先朝相公墓  
公昔承明當直時  
經綸密勿天下知  
昇平宰相風流盛  
館閣文章後輩推  
晚逢北寺縱橫日  
老臣心事憂時極  
伏闕徘徊薄俗嗤  
孤忠調護先皇識  
白首丹心二十年  
每聞憂國涕淚漣  
高皇社稷一朝正  
朝廷無事公歸田  
康陵已事成倉卒  
後來論者何翻覆  
大賢之後并凌遲  
慘淡秋風號宰木  
零落遺阡事惘然  
諸公高義薄雲天  
曾無碑碣人間識  
可信衣冠夢裏傳  
南中耆舊當時少  
華容尙書亦元老  
江湖廊廟各有志  
男兒何必抽身早  
青史幽沈合一伸  
功名節烈兩難論  
千秋隕涕封疆獄  
遺恨中

朝無此人

塞下

賀闌千嶂與雲齊  
白草橫天雉堞低  
古戍軍聲嚴夜月  
清秋邊思入征鼙  
寒原木落雙雕急  
絕塞風高萬馬嘶  
蕃部不須窺四鎮  
漢家都護在安西

灞陵

腰間龍劍漫星文  
篋裏陰符闔不分  
蓐食邊庭多歲月  
嚴城鼓角動風雲  
三河年少生輕敵  
九塞威行盡勒勳  
他日灞陵亭下過  
何人知是故將軍

落葉

落葉翻飛到酒杯  
支離心事向誰開  
海天霜老青雕急  
關樹秋空畫角哀  
仰屋竊言天下事  
救時深念古人才  
庫車



殿馬非當日長嘯西風百尺臺

晚晴籜詩匯卷一百十八終